



(Ciep geiz gonq)

Gvaq yaep ndeu, Naxlanz ciemhciemh dingh roengzdaeuj lo, Dahmeiz gaem fwngz Naxlamz naeuz: “Nax, doiq mbouj hwnj, gou mbouj dwg daegdaengq gik mwngz, gou dwg mbouj siengj hawj mwngz baenz sinhoj cij mbouj siengj caiq doeg saw, mwngz yawj mwngz caengz daengz seiqcib bi, naj couh nyaeuq lo, gou yawj le sim’in ha.” Naxlanz lumh gyaeuj Dahmeiz naeuz: “Dahlux neix, mwngz baenz-lawz ndaej yienghneix siengj ni, mwngz mbouj doeg saw, siengj ciuhvunz cungj youq lajmbanj sinhoj

guh hong nazreih ha, mwngz itdingh au miz cei qheiq, mboujni nax baenz-lawz yiengq meh mwngz gyaudaih ha, caiq gangj nax maqmuengh doeklaeng ndaej riengz mwngz yiengjifuk ni.” Gangj le couh dawz Dahmeiz got haeuj rumj bae.

Hai hag gaxgonq, Naxlanz ciq cienz gaeuq Dahmeiz gyau yozfei lo. Vihliux gung Dahmeiz doeg saw, Naxlanz engq sinhoj lo, de cawz guh reihnaz le, lij ciengx mou ciengx gaeq, bae ndaw bya vat ywdoj gai. Dahmeiz doeg gauhcungh sam bi, Naxlanz mbouj dem saek geu buhvaq, de

yienznaeuz ciengx miz gaeq, cix mbouj gaj gaeq gwn gvaq, de mbaet gwn mbaet yungh, cungj suenq gungh Dahmeiz doeg sat gauhcungh lo. Dahmeiz gig cengqheiq, youq hagdangz hagsib cingzcik itcig cungj gig ndei, ciuq gij cingzcik de, gauj aen dayoz mingzbaiz ndeu wnggai mbouj miz vwndiz, hoeng vih mbouj hawj Naxlanz baenz sinhoj, dienz ciyen seiz, de dienz bauq aen sw hfan yenyau mienx yozfei youh dwg youq ndaw sengj haenx. Dayoz seiq bi, Dahmeiz hagsib cingzcik hix gig ndei, de mboujdanh cengaeu ngaenz ciengjhag,

caemhcai q camgya ginzgungh genyoz daeuj gemjmbaeu rap Naxlanz.

Dahmeiz dayoz bizyez le, ma daengz yienh cunghyoz guh lauxsae. Dahmeiz miz cienz lingx lo, ndwen daih’ it lingx ndaej gunghsw h, Dahmeiz bae cawx geu buh moq ndeu hawj Naxlanz. Haemh haenx, Dahmeiz dawz buhmoq caeuq haj bak maenz ngaenz gyau haeuj fwngz Naxlanz bae, da hamz raemxda naeuz: “Daxmeh, gou cawx geu buh neix hawj mwngz, gij cienz neix dwg hawj mwngz yungh, gou seizneix miz cienz lingx lo, yienznaeuz mbouj lai, hoeng cungj gaeuq mehlwg raeuz gwndaen j ndei gvaq haujlai, mbatlaeng mwngz mbouj yungh sinhoj baenzlai lo.” Naxlanz dingqnyi Dahmeiz heuh sw hgeij guh meh, de nyengh yaep ndeu le, hix raemxda lae lo, Dahmeiz dawz Naxlanz goet haeuj rumj bae naeuz: “Mwngz dawz gou daj iq ciengx hung, youh gung gou doeg daengz dayoz, gou caeux couh daj ndaw sim dawz mwngz dang mehc in lo, daj neix hwnj gou couh heuh mwngz guh daxmeh, mbouj caiq heuhguh nax lo.”

Moix daengz couhmoz roxnaeuz ngoenzci et ngoenzgyaj, mboujlwnh benzlawz nyaengq, Dahmeiz cungj dwg ma ranz buenx Naxlanz. Dahmeiz mieng daj neix hwnj, itdingh hawj Naxlanz gvaq ndaej vuenyungz vaiqvued. (sat)

Ndei lienh mwngz le youx
Mwhndouj(nduj) dwg caemh ranz
Boux guh yah guh gvan
Gwndaenj van lumj dangz

Caeuq mwngz lienh le youx
Cuengq mbouj roengz aen sim
Doek saek gaemz ngaenzgim
Sim mbouj in baenzneix

Nwh mwngz lai le youx
Gouj ngoenz mbouj swiq ndang
Caekhaex youh hwnj cang
Daengx ndang mbouj baenz youq

Siengj youx lai baenzbag
Cag venj hoz mbouj dai
Cax gvej noh dang mai
Docih gvai daeuj gaeuq



Nwh youx lai vaih saek
Naek youx lai vaih siengq
Vaih simdaeuz song mbiengj
Sieng bakaek hwnj bop

Niemh youx lai byomroz
Lwed saihoz doek dungx
Gwn yw mbouj miz yungh
Nuengx daengz cungj raen ndei

Siengj youx lai simfanz
Hongranz goj gik guh
Bakdou lae raemxuq
Nyapnyaj duj rim congz

Lienh mwngz lienh daengz ngeiz
Byaij roen mbaeqmbingmbing
Vunz dongx mbouj ok sing
Mbouj rox singq gijmaz

Nwh youx daengz ndangsaenq
Daenj haiz goj loeng ga
Gaem cenjcaz da va
Doek fwngz ma le dek

Ngoenz mbouj raen youx daengz
Naengh goj naengh mbouj onj
Deq daengz laep daengz fonx
Ndonj ok dou bae ngonz

Siengj youx siengj yaek dai
Caeuz ngaiz cungj mbouj ndwnj
Loq raen mwngz daeuj bwnq
Daindiu hwnqdaeuj nyaemz

Lienh mwngz lienh daengz byai
Maij mwngz maij daengx ciuh
Mbe fwed mbin lumj yuih
Ciuh laeng lij caemh rongz

Vwnzva gyauyuz、ywbingh veiswng h daengj caemh miz haujlai vwndiz yienhda.

Veiz Gozcingh baezbaz daengz dieglau x ngonzcaz, cungj vihliux gij dieg hoj neix gamjdaengz sim’in.

Bi 1964 ndwen 2 yaek gvaq cieng mwh haenx, Veiz Gozcingh doiq Cinz Yinggih naeuz: “Mboengqneix, gou ciengz naemj gij saeh hwnjguh dieglau x. Gaijfang ndaej 10 lai bi lo, gij dieg neix vanzlij hoj raixcaix, sim miz di get ha!”

“Vunzlai dieglau x gwndaen j hoj lai, dou gij vunz ndaej lix roengzdaeuj haenx miz cwzyin a!” Cinz Yinggih simcingz caemh naekgywgywg.

Veiz Gozcingh daez yigen naeuz: “Bineix gvaq cieng raeuz bae Baksack ndei lwi?”

“Ndei!” Cinz Yinggih gig haenh-doengz, de naeuz: “Gou bae anbaiz anbaiz.”

Haemhndaep ngoenzde, boux-

boux nyaengq gvaq cieng, hoeng Veiz Gozcingh caeuq Cinz Yinggih naengh ruz youq gwnz Dahyougyangh, yaek bae Baksack. Daengz Bingzgoj le roengz ruz gonq, gyoengqde hwnj bya bae ra gvangqlijduj. Youq gizneix, miz aen gvangqcangz lijduj daegbied hung sei qgyaiq noix raen ndeu, binjvei sang, caemhcai q cujyau dwg gvangq-daenz, ndaej youq lohmbwn vat. Seizhaenx, swcigh gaenq dajsuenq youq Bingzgoj guh cangj lijgvangq.

Cinz Yinggih naeuz: “Gizneix vanz-cienz miz diuzgen guh aen cangj lijgvangq hung ndeu, raeuz yaek ceng ndaej cunghyangh cinjhawj, caenhvai q hwnjmax.” Veiz Gozcingh naeuz: “Mboengqneix siengj ndaej hwnjmax lau mbanj lij miz gunnanz, hoeng daj seizneix hwnj wnggai haidaeuz ngeix-yaeng, daez gij fueng’anq guh ndaej doeng haenx okdaeuj, ceng ndaej cunghyangh dingjrengz, ‘gij giva 3.5’mbouj ndaej hwnj, ceng youq ‘4.5’

ndaej hwnj caemh ndei ha! Hwnjmax ndaej yied vaiq, doiq gaijbienq dieglau x gungzhøj caeuq najyiengh Guengjsae cix yied mizleih.”

Gij siengjmuengh gyoengqde doeklaeng ndaej saedyienh lo, cijdwg seizgan doilaeng le haujlai bi. Seizneix, Bingzgoj gaenq baenz aen dieggoek gunghyez lij daegbied daihhingz daengx guek ndeu.

(caengz sat)

Veiz Gozcingh Sangcieng Cawj-guenj Guengjsae Ngeihcib Bi

韦国清上将主政广西二十年

□ Hoz Saubangj sij Cinz Siengzcouh Liuz Gingliuj Cinz Siengzgen hoiz